



Broj: 05/1-50-13-29-18-3/16
Sarajevo, 30.3.2016.

ZAPISNIK

18. sjednice Nezavisnog odbora Parlamentarne skupštine BiH

Sjednica je održana 30.3.2016., s početkom u 8 sati.

Sjednicu je sazvaio Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Miroslav Škorić, članovi Nezavisnog odbora.

ODSUTNI ČLANOVI NEZAVISNOG ODBORA: Mato Jozić, drugi zamjenik predsjednika Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH, Vladana Savić, stručna savjetnica u Sektoru za druga parlamentarna tijela, te Dijana Šatara i Senad Zlatar, predstavnici OHR-a.

Sjednicom je predsjedavao predsjednik Nezavisnog odbora Žiko Krunić.

Konstatirajući da postoji kvorum za rad otvorio je 18. sjednicu Nezavisnog odbora Parlamentarne skupštine BiH.

Nakon predlaganja dnevnog reda, a prije glasanja, predsjednik Nezavisnog odbora otvorio je raspravu o dnevnom redu.

Za riječ se javila Adisa Begić, članica Nezavisnog odbora koja je predložila da se u dnevni red 18. sjednice Nezavisnog odbora pod tačkom 3. uvrsti razmatranje pritužbe Avaz-rotopressa u vezi s ulaskom specijalne jedinice Državne agencije za istrage i zaštitu BiH u redakciju Dnevnog avaza i Informacija Državne agencije za istrage i zaštitu BiH o tom događaju.

Ovaj prijedlog jednoglasno je usvojen

Nakon što je usvojen prijedlog dopune dnevnog reda člana Nezavisnog odbora Adise Begić, predsjednik Nezavisnog odbora konstatirao je sljedeći

DNEVNI RED

1. Usvajanje Zapisnika 17. sjednice Nezavisnog odbora;
2. Razmatranje inicijative za smjenu direktora Direkcije za koordinaciju policijskih tijela BiH, broj: 01-34-3-4957/15.-1, od 17.8.2015., dostavljene od ministra sigurnosti BiH, a zaprimljene u Parlamentarnoj skupštini 18.8.2015., broj: 05/1-04-1094-1/15;
3. Razmatranje pritužbe Avaz-rotopressa u vezi s ulaskom specijalne jedinice Državne agencije za istrage i zaštitu BiH u redakciju Dnevnog avaza i Informacija Državne agencije za istrage i zaštitu BiH;
4. Tekuća pitanja.

Ad.1. Usvajanje Zapisnika 17. sjednice Nezavisnog odbora

Zapisnik 17. sjednice Nezavisnog odbora usvojen je jednoglasno, bez primjedbi.

Ad.2. Razmatranje inicijative za smjenu direktora Direkcije za koordinaciju policijskih tijela BiH, broj: 01-34-3-4957/15.-1, od 17.8.2015., dostavljene od ministra sigurnosti BiH, a zaprimljene u Parlamentarnoj skupštini 18.8.2015., broj: 05/1-04-1094-1/15

Predsjednik Nezavisnog odbora Žiko Krunić u uvodu u ovu tačku dnevnog reda naglasio je kako je ovo izuzetno teško i složeno pitanje koje je već dugo predmet rasprave na sjednicama Nezavisnog odbora i da nikad nije do kraja dovedeno u smislu donošenja odluke postojanja

ili nepostojanja odgovornosti Mirsada Vilića za događaje u Potočarima 11.7.2015. kao i odgovora ministru sigurnosti na njegovu inicijativu.

S obzirom na to da nije bilo rasprave o ovoj tački dnevnog reda, predsjednik Nezavisnog odbora Žiko Krunić je na osnovu svih pristiglih informacija do kojih je došao Nezavisni odbor u vezi s ovim pitanjem inicijativu stavio na glasanje. Svi prisutni članovi su se pojedinačno izjasnili te je konstatirano da, s tri glasa „za“, tri „protiv“ i dva „suzdržana“, inicijativa nije dobila potrebnu većinu te će o tome obavijestiti podnosioca inicijative.

Nakon glasanja otvorena je rasprava pa se za riječ javio član Nezavisnog odbora Miroslav Škorić koji je predložio da se danas uputi inicijativa za disciplinski postupak protiv direktora Direkcije za koordinaciju policijskih tijela BiH Mirsada Vilića. Dalje, u raspravi je učestvovala većina članova Nezavisnog odbora, a prijedlog prvog zamjenika Nezavisnog odbora Enesa Obralije je da se inicijativa za pokretanje disciplinskog postupka protiv direktora Direkcije za koordinaciju policijskih tijela BiH razmatra na prvoj narednoj sjednici Nezavisnog odbora.

Nakon rasprave, predsjednik Nezavisnog odbora stavio je na glasanje oba prijedloga.

Prvi prijedlog člana Nezavisnog odbora Miroslava Škorića da se danas uputi inicijativa za disciplinski postupak protiv direktora Direkcije za koordinaciju policijskih tijela BiH Mirsada Vilića, s pet glasova „za“ i tri „protiv“ nije dobila potrebnu većinu.

Nakon toga pristupilo se glasanju za drugi prijedlog prvog zamjenika Nezavisnog odbora Enesa Obralije da se inicijativa za pokretanje disciplinskog postupka protiv direktora Direkcije za koordinaciju policijskih tijela BiH razmatra na prvoj narednoj sjednici Nezavisnog odbora. Ovaj prijedlog jednoglasno je usvojen.

Ad.3. Razmatranje pritužbe Avaz-roto pressa u vezi s ulaskom specijalne jedinice Državne agencije za istrage i zaštitu BiH u redakciju Dnevnog avaza i Informacija Državne agencije za istrage i zaštitu BiH

U uvodu u ovu tačku dnevnog reda predsjednik Nezavisnog odbora napomenuo je da su članovi Nezavisnog odbora dobili Informaciju Državne agencije za istrage i zaštitu BiH u vezi s ovim događajem. Informacija koja je dostavljena imala je oznaku povjerljivo - interno te su se članovi Nezavisnog odbora upoznali s njom u uredu sigurnosnog službenika Parlamentarne skupštine BiH. Također, predsjednik je naglasio kako su po zaključku s prošle sjednice članovi Nezavisnog odbora Enes Obralija, Mate Miletić i Ljubomir Kuravica, posjetili Državnu agenciju za istrage i zaštitu BiH po ovom pitanju o čemu je prvi zamjenik

predsjednika Enes Obraliya ukratko informirao ostale prisutne članove Nezavisnog odbora. Predsjednik Nezavisnog odbora Žiko Krunić otvorio je raspravu o ovoj tački dnevnog reda. U raspravi je učestvovala većina članova Nezavisnog odbora.

Nakon sveobuhvatne i opsežne rasprave o ovoj tački dnevnog reda, članovi Nezavisnog odbora jednoglasno su donijeli sljedeće

ZAKLJUČKE

1. S obzirom na to da Državna agencija za istrage i zaštitu BiH u obavljanju poslova iz svoje nadležnosti odgovara za zakonitost, svrsishodnost i sigurnost izvršenja operativnih radnji, nužno je da i ima potpunu samostalnost u procjenjivanju na koji način i upotrebom kojih sredstava će te ciljeve ostvariti, što važi i u predmetnom slučaju.

2. Analizom činjenica, na koje je ukazano u izvještaju dostavljenom od Državne agencije za istrage i zaštitu BiH i pritužbe Avaz roto pressa, može se zaključiti da nije bilo nesrazmjera u korištenju ljudskih i tehničkih sredstava niti je na bilo koji način izvršen uticaj na novinarske slobode izražavanja u toj medijskoj kući.

3. Međutim, samo prikazivanje u javnosti pripadnika specijalne jedinice Državne agencije za istrage i zaštitu BiH s dugim cijevima u službenim prostorijama dnevnog lista Dnevni avaz moglo je u javnosti nepotrebno stvoriti utisak pritiska na slobodu medija, a u suštini nije riječ o takvoj situaciji, o čemu treba voditi računa u budućnosti.

Dogovoreno je da se zaključci proslijede podnosiocu pritužbe i Državnoj agenciji za istrage i zaštitu BiH.

Ad.4. Tekuća pitanja

U okviru ove tačke dnevnog reda prvi zamjenik predsjednika Nezavisnog odbora Enes Obraliya ukratko je informirao ostale članove o prisustvu sjednici Zajedničke komisije za odbranu i sigurnost BiH na kojoj su razmatrani Izvještaj o radu Nezavisnog odbora za 2015. godinu i Plan rada Nezavisnog odbora za 2016. godinu, a koji nisu usvojeni.

Nakon toga otvorena je rasprava u kojoj je učestvovala većina članova Nezavisnog odbora koji smatraju da je neprihvatljivo da se jedan izvještaj koji oslikava stanje onog što se radilo protekle godine ne usvoji te treba da zauzmu svoj stav po pitanju toga. Nakon rasprave,

članovi Nezavisnog odbora jednoglasno su donijeli **zaključak** koji će uputiti kolegijima oba doma Parlamentarne skupštine BiH, a koji glasi:

“Uz puno uvažavanje i poštivanje funkcije poslanika i delegata – članova Zajedničke komisije za odbranu i sigurnost BiH Nezavisni odbor kao nezavisno tijelo policijske strukture BiH smatra da je neusvajanje, to jest davanje negativnog mišljenja za Izvještaj Nezavisnog odbora o radu za 2015. godinu i Plana rada za 2016. godinu neopravdano i ne doprinosi stvaranju ukupnog pozitivnog ambijenta za nezavisnu poziciju ovog parlamentarnog tijela u obavljanju zakonom propisanih funkcija.”

Dalje, u okviru ove tačke dnevnog reda predsjednik Nezavisnog odbora Žiko Krunić informirao je ostale članove Nezavisnog odbora o prisustvu sjednici Privremene zajedničke komisije oba doma Parlamentarne skupštine BiH za preispitivanje rada Nezavisnog odbora Parlamentarne skupštine BiH, nakon čega su članovi Nezavisnog odbora jednoglasno donijeli **zaključke** koje će uputiti kolegijima oba doma Parlamentarne skupštine BiH, a koji glase:

1. Predstavnički dom PSBiH svojim aktom broj: 01-50-1-15-17/15, od 16.9.2015., a Dom naroda aktom broj: 02-50-6-16-10/15, od 14.10.2015., usvojili su Izvještaj o radu Nezavisnog odbora za 2014. godinu, pa ponovno bavljenje pitanjima iz usvojenog izvještaja ne doprinosi stvaranju ukupnog, to jest pozitivnog ambijenta za nezavisnu poziciju Nezavisnog odbora u obavljanju zakonom propisanih nadležnosti.

2. Nezavisni odbor blagovremeno je preduzeo aktivnosti prema Instituciji ombudsmena za ljudska prava BiH u vezi s predstavkom Svevlada Hoffmana, kao i prema Komisiji za sukob interesa, tako što su od stručne službe dostavljeni podaci za sve članove Nezavisnog odbora, o čemu u prilogu dostavljamo naznačene dokumente (odgovor u vezi s predmetom Hoffman i dopis Komisiji za sukob interesa).

3. Eventualni prijedlog Privremene zajedničke komisije oba doma Parlamentarne skupštine BiH za preispitivanje rada Nezavisnog odbora Parlamentarne skupštine BiH za smjenu članova Nezavisnog odbora ne bi bio u skladu s odredbom iz člana 5. stav (5) Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08).

4. Samo preispitivanje nezavisnosti u obavljanju dužnosti, bez prethodno utvrđenih mjerila za pojam nezavisnosti, može biti shvaćeno nesaglasno s autonomnom slobodom člana

Nezavisnog odbora da promišlja i odlučuje o svakom pitanju slobodno, u punom smislu te riječi.

Predsjednik Nezavisnog odbora Žiko Krunić zaključio je sjednicu u 11,45 sati.

SEKRETAR
NEZAVISNOG ODBORA
Ivana Lovrić

PREDSJEDNIK
NEZAVISNOG ODBORA
Žiko Krunić